

werden/ Das kan aber wol geschehen / vñ
begibt sich offte / Das gar gute dinge cor-
rumpirt / zu nichte vnd schanden werden/
durch die Meister / wann sie der Kunst feh-
len / vnd in ihrem praeparirn vnd arbeit/
nachlessig / vñ verseumern sein / Also wird
offt / aus dem allerbesten Korn / vnd aus
erwelten guten Hopffen / entweder Ko-
he / oder verbrant Bier / Derhalben wil
achtung darauff gegeben sein / Das es an
nichten mangle / vnd nichts verwarloset /
Sondern alles mit ganzem fleiß zugerich-
tet vnd abgewartet werde / Zu den fessern
muß man auch sehen / das sie recht aus-
gewaschen werden / vnd die Biere
darnach nicht einē schmack
gewinnen.



E ij Das